

УЛКАДАМИЗДА НАВАРЎУЗ!

Қонуңчилик ва ҳуқуқ-тартибот учун!

1930 йил
12 МАЙДАН
ЧИҚА
БОШЛАГАН



Тостига

ЎЗБЕКИСТОН ЖУМҲУРИЯТИ ИИБ ҲАЙЪАТИ НАШРИ

№ № 21 — 22

(2558 — 2559)

1993 йил

19 МАРТ

ЖУМА

СОТУВДА ЭРКИН
НАРХДА.

БУГУНГИ СОНДА

ИШ БОШИ ИНТИЗОМ



АЙНИ КУНЛАРДА Тошкент шаҳрининг туманлари ИИБларида шахсий таркибнинг саф кўриклари ўтказилмоқда. Яқинда шундай кўриқлардан бири Ҳамза тумани ички ишлар бўлимида бўлиб ўтди. Унда иштирок этганлар нафақат интизом масаласида, балки ходимларни ташвишлантираётган муаммо ва етишмовчиликлар ҳусусида ҳам батафсил тўхталиб ўтдилар.

Кўриқда шаҳар ички ишлар бош қармасининг бошлиқ ўринбосари, милиция полковниги Т. Х. Худойбергенов бошчилигидаги вакиллари иштирок этишди.

Яқиний натижаларга кўра Давлат автомобиль назорати бўлимида намунали деб эътироф этилди.

Иш боши интизом, деб бежиз айтилмайди. Айниқса, ички ишлар идораларида бу масала биринчи ўринда бўлиши керак. Ўтказилаётган кўриқнинг бош мақсади ҳам шу.

И. ЭШМАТОВ.

Суратда: кўриқ пайтида.

ЎҚИЙСИЗ

45-БЕТЛАР

Ойна
жаҳон
кўрсатувлари

7-БЕТ

«Капитан»

8-БЕТ

Ташвиш-
лардан
ташқари


НАВРЎЗИ ОЛАМ МУБОРАК!

Ички ишлар идоралари барча ходимларини, фахрийларни, ходимларимиз билан бир сафда туриб жиноятчилик, ҳуқуқбузарликларга қарши курашда ва халқимизнинг осойишталигини таъминлаш йўлида астойдил меҳнат қилаётган барча фуқароларни, уларнинг оила аъзоларини миллий халқ байрами — Наврўзи олам муносабати билан самимий табриклайман.

Баҳор, ёшлик, бахт тимсоли — Наврўз айёмида сизларга фаровонлик, жиноятчиликка қарши кураш йўлидаги машаққатли, лекин шарафли ишларингизда омадлар тилайман.

З. АЛМАТОВ.

Ўзбекистон Республикаси ички ишлар вазири, ички хизмат генерал-лейтенанти.



ҲАШАР БАРАҚАЛИ БЎЛДИ

ЎЗБЕКИСТОН Республикаси ИИБ бўлимларининг шахсий таркиби 13 март куни бўлиб ўтган ҳашарда фаол иштирок этди.

ИИБ ДАНБ ихтисослашган монтаж-эксплуатация бошқармаси шу кун ишлаб топган 4 минг сўмдан ортиқ пулни "Наврўз" ва республика болалар фондларига ўтказди. Хўжалик бошқармаси томонидан жамоат фондларига ўтказилган маблағ 50 минг сўмдан ошди. Шунингдек "Наврўз" фондига ички қўшинлар қисмлари 36,5 минг сўм, енгиндан сақлаш-техника ўқув юрти 8,4 минг сўм, алоқа воситалари ва махсус техника ремонтни устахонаси 2,5 минг сўм ўтказишди. Республиканинг жамоат фондлари маблағлари Ахлоқ тузатиш бошқармасининг ишлаб чиқариш корхоналарида ишлаб топилган маблағлари ҳисобига ҳам анча кўпайди.

АССАЛОМ, НАВРЎЗ!

Бу икки сўзни бугунги кунда ўлкамизнинг ҳамма ерида эшитиш мумкин. Наврўз Шарқ халқларининг азалий ва сеvimли байрами. Унга ҳар доим илгаридан тайёргарлик кўрилади. Хўш, бу ишлар ИИБ тизимларида қандай олиб борилаётган? Биз айрим вилоятлар ИИБ билан боғланиб, фақат битта савол бердик: Наврўзни қандай ўтказасилар?

ҚАШҚАДАРЭ ВИЛОЯТИ. Телефон трубкасини шахсий таркибни ижтимоий ва ҳуқуқий ҳимоя қилиш хизмати бўйича бошлиқ ёрдамчиси, милиция подполковниги Бахтиёр Анваров олди. У киши қобилиятли милиция ходими бўлибгина қолмай, балки моҳир ҳайкалтарош сифатида ҳам кўпчиликка таниш.

— Наврўз кунини, — деди Б. Анваров, — Косон шаҳрида яна бир ҳайкал қад кўтарди. Мен уни кишилар қалбига самимийлиги билан из қолдирган Олим Хўжаевнинг юртдошлари илтимосига биноан яратдим.

ИИБда эртага ўтказилаётган ҳашарда эса теваарак-атрофни ободонлаштириш ишлари давом эттирилади. Байрам кунинда ИИБнинг музейи очилади.

СИРДАРЕ ВИЛОЯТИ. ИИБ биноси ёнида қад кўтарган ясама ўрик шохининг гуллаб туриши Гулистон аҳолиси ва меҳмонларининг бугунданок

ҳайратлантирмоқда.

— Уни буюртмамизга кўра маҳаллий усталар ясади, — деди матбуот гуруҳининг катта назоратчиси, милиция майори Рифқат Шохмуҳамедов. — Кечга бориб, ундаги электр шамлар ёнади ва унинг ёнида ёзилган дастурхон атрофида ўтирганлар санъаткорларнинг куйи ва қўшиқлари, дилрабо рақсларидан янада кўпроқ завқланадилар.

БУХОРО ВИЛОЯТИ. Қорақўл тумани ИИБ ходимлари баҳор байрами арафасида яхшигина соғва олдилар: улар учун барча шарт-шароит мавжуд бўлган янги бино фойдаланишга топширилади. Бу ҳақда ИИБ бошлигининг ахлоқ тузатиш ишлари бўйича ўринбосари, милиция полковниги Насрулло Омонов хабар қилди. У, шунингдек Наврўзга тайёргарлик кўриш комиссиясининг раиси қилиб ҳам тайинланган. Байрамга ҳамма нарсаси тахт. Бундан бир неча кун илгари бухоролик ички ишлар ходимлари ихтиёрига янги спорт зали топширилди. Спорт турлари бўйича байрам мусобақалари шу ерда ўтказилади.

ХОРАЗМ ВИЛОЯТИ ИИБда ҳам спорт ихлосмандлари кўп. Хоразмликлар байрамни бугун кечкурун бошлаб юборадилар, деб жавоб қилди ИИБ бошлигининг ижтимоий ва молиявий масалалар бўйича ўринбосари, милиция подполковниги Бахтиёр Мирзахўжаев. — Қўшма Урганч замининда қадимий анъаналар тикланмоқда. Улардан бири — хўрозлар жангидир. Биринчи мусобақалар Наврўз кунини ўтказилади. Байрам кунини тушликни эса ходимларимиз янги қурилган ошхонада қиладилар.

ТОШКЕНТ ВИЛОЯТИнинг барча шаҳар ватуман бўлимларида Наврўзни бегоҳлик билан куттишмоқда. Эртага вилоят ички ишлар ходимлари бир-бирларини, меҳмонларни баҳор байрами билан табриклашади, шарқ таомларидан тотишади. Аммо ИИБнинг ўзида палов дамланмайди: Хизмат, хизмат-да. Ходимлар ҳар дақиқада Чорвоқ сув омборига жўнаш учун шай туришади — бу ердаги сувнинг бир қисмини Чирчиқ дарёсига оқизиш кутилмоқда. Ортиқча ташвишга ўрин йўқ. Лекин ички ишлар

идораларининг ходимлари учун байрам кунлари ҳам биринчи навбатда хизмат бурчлари устун туради.

НАМАНҒАН ВИЛОЯТИ ходимлари, — деди ИИБ Штаб бошлигининг ўринбосари, ички хизмат майори Баҳромжон Раҳматов юқоридаги фикрни тасдиқлагандай бўлиб, — байрам кунлари кучайтирилган режимида ишлайдилар. Бирор номаъқул ҳодиса бўлиши куттилаётганидан эмас, албатта. Оммавий сайиллар, концерт ва бошқа томошалар бўлади. Одамлар кўп тўпланишади... Ҳозирча ҳаммаёқда осойишталик. Утган шанбадаги ҳашарда эса йиғиларимиз Наврўз фондига бир кунлик иш ҳақларини ўтказишди.

Сурхондарё, Самарқанд, Жиззах, Фарғона, Андижон вилоятлари, Қорақалпоғистон Республикасида ҳам баҳор нафаси уфурмоқда. Барча, қарино ёш "Ассалом, Наврўз!" деб кўкламини кутиб олишмоқда. Ҳамма ердаги дошқозонларда байрам сумалаги деярли тайёр.

Ички ишлар ходимлари эса барча билан байрамни кутиб олншар эканлар, халқ осойишталигини муҳофаза қилишга ҳар доимингдай шайлар. Уларнинг хизматлари шунақа.

М. СУЛАЙМОНОВ.

Ташвишлардан ташқари

Ҳар тунинг қадр ўлубон, ҳар кунинг ўлсун Наврўз!



Ўзгардимиз замонлар,
Ушалдимиз армонлар,
Яшасин, Наврўзимиз
Қайтиб берган инсонлар!
Ўйнар, қора кўз ўйнар,
Сулув дилбарлар ўйнар,
Даврамизни тўлдириб,
Навқирон Наврўз ўйнар.



— Биродар, мен сизни қаердадир кўргандайман, Мабодо артист эмасмисиз-а!

Кулганга кенг дунё

— Айбланувчи, терговда сиз жабранувчини икки марта урганингиз аниқланди, — деди судья. — Яна бирор нарса қўшимча қиласизми?
— Йўқ. Унга икки мартаси ҳам етарли деб ўйлайман.

— Айбланувчи, қўшнингизга гултувак отибсиз. Қилмишингиздан пушаймонмисиз?
— Йўқ. Барибир гул қуриб қолганди.

— Нима учун ўзингизга ҳимоячи тополмадингиз? — сўради судья айбланувчидан.
— Ҳақиқатан ҳам пул ўғирламаганимни билишлари билан улар мени ҳимоя қилишдан бош тортяптилар.

Сицилия судида машҳур мафия аъзосининг иши кўрилатганди.
— Судланувчи синьор Карлуччо, — деди судья, — охирги сўзингиз.

— Эллик миллион, жаноби олийлари, бир лира ҳам ортиқ беролмайман.


— Судланувчи, нимага дўкон қулфини синдиридингиз?
— Синдирмасдан ичкарига қандай кирардим?

— Ўғриликни қачон ташлайсиз? Ахир доим ўғирлик жойида қўлга олинасиз-ку!
— Йўғ-е, жаноб судья, ҳар доим эмас...

Судья сўради:
— Бир цистерна спирт ўғирлаганингизни тан оласизми?
— Тан оламан.
— Спиртни нима қилдингиз?
— Сотдим.
— Пулини нима қилдингиз?
— Ичдим.

Тўпловчи: О. ФАРМОН.

БОШҚОТИРМА



Москва вилоятидаги шаҳар 4. Руминия космонавт-учувчиси 5. АҚШнинг шимолидаги штат. Маъмурий маркази Линкольн 6. АҚШдаги дарё. Миссисипининг ўнг irmoғи 7. Шамсия ҳисобида йилнинг биринчи кuni. 8. Москва вилоятидаги шаҳар 9. Тожикистоннинг Хўжанд вилоятидаги шаҳар 10. Шарқий Хитойдаги шаҳар 11. Тиражи 13,5 миллиондан ортиқ япон кундалик газетаси 12. АҚШнинг жанубидаги штат. Маъмурий маркази Батон-Руж. 13. Япониядаги шаҳар ва порт 14. Гўрғон шаҳрининг 1930 йилгача бўлган номи. 15. Жанубий Америкадаги давлат. Пойтахти-Сукре 16. Урта Осиёнинг шарқидagi тарихий вилоят. 17. Чад Республикасининг пойтахти 18. Мексикадаги шаҳар ва порт 19. 1925-32 йилларда номи Шчегловск бўлган Россиядаги шаҳар 20. Урта асарлардаги "Герман миллатининг Муқаддас Рим империяси"да марказий ҳокимият органларидан бири. 21. Хиндистоннинг шимолий-ғарбидаги шаҳар. 22. Ҳозирги Хитой шимолий-шарқий қисмининг тарихий номи. 23. Олтой ўлкасидаги шаҳар 24. Мисрдаги шаҳар. 25. АҚШнинг жанубий-ғарбидаги штат. Маъмурий маркази — Финск.

Ҳамма жавоблар белгиланган каттакчадан бошланиб соат стрелкаси йўналиши бўйича ёзилади.
1. Вест-Индиядаги давлат. Пойтахти - Брижтаун 2. Африканинг жанубидаги давлат. Пойтахти Габороне 3.

Тузувчи **Йўлдош НАСРИДДИНОВ**, милиция подполковниги.

Газетамизнинг 1993 йил, 12 март сонидан чоп этилган бошқотирманинг жавоблари:


Энига: 1. Абердин. 6. Абакан. 8. Авеста. 10. Рамаёна. 11. Гагра. 12. Амаду. 13. Орша. 15. Лаос. 17. Чуст. 19. Швед. 21. Тиес. 22. Қозоқ. 24. Тери. 25. Клин. 26. Нисо. 27. Орхус. 28. Афина. 29. Бюст. 31. Алоэ. 33. Анор. 34. Аруба. 35. Льеж. 37. Аэта. 38. Рона. 39. Ория. 41. Кама. 43. Эванс. 46. Десна. 47. Андалиб. 49. Тирана. 50. Рангун. 51. Баҳодир.
Бўйига: 1. Аждар. 2. Раздан. 3. Нарва. 4. Адана. 5. Васра. 6. Август. 7. Нақш. 8. Анна. 9. Арагви. 13. Омек. 14. Азон. 15. Леон. 16. Сато. 17. Чукотка. 18. Тихуана. 19. Шриффер. 20. Душанба. 22. Қисса. 23. Қиб ла. 29. Брно. 30. Троя. 31. Абак. 32. Элам. 33. Атлант. 36. Жонсон. 40. Иена. 42. Амир. 44. Серго. 45. Насор о. 46. Дугоҳ. 47. Анзоб. 48. Баҳор.

Ўйланг, топасиз!

РАСМЛИ ТОПШИРИҚ

Участка бўлими бошлиғи ўз ердამчиси билан бирга таниқли фирибгарни ўз уйида қўлга олишмоқчи бўлишди. Аммо фирибгар қочишга улгурган экан. Шунда участка бошлиғи хонани бир қур кўздан кечириб чиққач, ҳамроҳига эшик олдида пойлоқчилик қилиб туришни тайинлади-да, ўзи қидирувни ташкил қилиш учун бўлимга кетди.

Орадан бир оз вақт ўтиб қайтиб келди. Ердამчиси билан бирга хонани яна бир бор кўздан кечиришди. Ва участка бошлиғи "фирибгар уйига келиб кетибди", деган хулосага келди (уйга фақат дераза орқали кириш мумкин эди, чунки эшик олдида милиционер бўлган).
Расмларда фирибгарнинг уйи



(милиционерларнинг биринчи ва иккинчи текширувларидан сўнгги) тасвирланган. Айтинг-чи, нима учун участка бошлиғи иккинчи бор текширувдан сўнг, юқоридаги хулосага келди. Фирибгар қолдирган изларни топинг.

ЭЪЛОН

Тошкент шаҳар 6-ўрта мактаб томонидан 1992 йилда Умид Раҳмонович Ҳамроев номига берилган А 108172 рақамли аттестат йўқолганлиги сабабли **БЕКОР ҚИЛИНАДИ.**

- Кўчириб босишда «Постда»дан эканлигини кўрсатиш шарт.
- Мақолада келтирилган рақамлар, фактлар ва бошқа маълумотлар учун, шунингдек, очиқ эълон қилиниши мумкин бўлмаган маълумотлар учун муаллиф жавобгар ҳисобланади.
- Муаллифнинг мулоҳазаси таҳририят фикрига мос тушмаслиги мумкин.
- Қўлёзмалар таҳлил қилинмайди ва қайтарилмайди.

Газета IBM компютерида терилди ва саҳифаланди. Рўйхатдан ўтиш тартиби № 000021. Буюртма Г — 138, 34.369 нусхада босилди. Ҳажми — 2 босма табоқ. Босилиш — офсет усулида. Босишга топшириш вақти — 19.00. Босишга топширилди — 19.00.

ТЕЛЕФОНЛАР: муҳаррир — 54-37-91, муҳаррир ўринбосари — 39-77-23, масъул котиб — 59-26-56, муҳбирлар бўлими — 59-20-92, умумий бўлим — 59-21-21.
Обуна рақами — 64615.

Муҳаррир **Зокир ОТАЕВ.**
МАНЗИЛГОҲИМИЗ: 700029, Тошкент, Г. Лопатин кўчаси, 1.